




閩南涉臺族譜彙編

025



名譽主編：陳支平 林曉峰 林彬
主編：蕭慶偉 鄧文金 施榆生




國家『十二五』重點圖書出版規劃項目
國家新聞出版改革發展項目庫項目



閩南涉臺族譜彙編

025



名譽主編：陳支平 林曉峰 林 彬
主 編：蕭慶偉 鄧文金 施榆生



海峽出版發行集團
福建人民出版社

目錄

穎川陳氏族譜（四）	一
陳氏霞寮世系淵源	一三七
陳氏宗譜	二〇五
南斗東山祖陳氏族譜	二七五
永春岵山陳氏宗譜	三三九
穎川郡陳氏宗譜	四一九
南山陳氏族譜	四五三
永春田後陳氏族譜	四九三
漳浦金溪陳氏族譜（一）	五〇五



永春
岵山

穎川陳氏族譜（四）

陳爾履 修輯
民國六年（1917年）

詞畧

幼農

沁園春

錢神

誰掘銅山鑄此函方居然有靈笑一生厮守被人嗤虜十分親愛
向汝呼兄貴欲買官多將使鬼尊寵尤教奉美名崇位號是上清
童子白水真人 龍蛇變幻隨形但北落排連認六星想馨香許
薦未妨銅臭圓光倘現定化金身擬借官鱸供伊阿堵禱祀時從
讀算經還自笑便相逢不識素昧平生

可齋

金縷曲

送萊序行

驪唱聲聲起最含愁離亭楊柳玉鞭遙指匹馬臨歧何太速翹首

蘇州陳氏族譜

卷十 雜著

九十一

秦山涇渭看萋萋欲行還止時鳥那知離別意也驚心脈脈東風裏何況是舊知己來朝渭樹秦雲企莫回首冀門燕闕二千餘里此刻千金真可值相會只憑眼底翻自悔相逢萍水三載東城頻送客總何堪作賦江淹意灑不盡送行淚

前調

和緘齋作

別淚消殘酒對金尊么絃雛鳳牢愁何有眼底分明成影事何況南箕北斗更休道腰章手綬豈待桑田三變海指白雲轉盼成蒼狗祇此會亦非偶歸期怕問章台柳渙認說文章有價千金珍帶怪底郊原狐兔盡閒煞韝條身手笑予季馬牛般走人海魚龍渾不辨問西施嫫母誰妍醜人間世君知否

前調

甲申重午西湖觀競渡用辛稼軒原韻依調倚聲却寄未君

憑眺無諸墅莽風塵是誰好手來爭高下看取龍頭標奪錦回首
春風未嫁是一幅南宗圖畫得意文章船下水更何須遲速分枚
馬山水意爲儂寫舊游携手湖西社問乘舟蓬瀛仙侶幾時歸
也遮莫五雲樓閣好忘却煙波亭榭只可惜重關扃夜待買陂田
來卜築乞間身漫學騎驢者今日事且消夏

緘齋

金縷曲

送歲

百感從中起念平生一回搔首一回撫髀學劍學書無一可攬鬢
星星來矣算卅載流光彈指去日已過來日逼問勞勞更曳何門
履登樓賦不堪擬量愁珠海真無底渙浥說五陵裘馬翩翩華
里十載長安鶯花夢季子歸來如此拚一醉屠蘇芬旨赴壑脩蛇

景川陳氏族譜 卷十 雜著

九十六

遮不住勸東皇再種新桃李人間世大都是

滿江紅

酒痕

一領青衫收不盡金臺殘淚苦憶得傳觴泥飲偎紅倚翠點滴猶
餘香氣息闌珊怕見花憔悴問尊前春色幾多留三之二 夜月
漾梨花醉春江漲蒲桃膩都併作三分顏色十分滋味落佩倒冠
隨處有年時金盞消沈易更憐他血色石榴裙知何似

一剪梅

柳絮

一捻香絨唾碧紗白過梨花瘦過蘆花無多春色富韶華鶯要吹
些燕要捎些 寒食清明客路賒近水人家近郭人家飄零蹤跡
落天涯風也欺他雨也欺他

念奴嬌

觀海

混茫一氣是百靈風雨蛟龍之宅限斷華夷如此水放眼蒼蒼無
極素魄寒澄炎精熱浴晝夜拋雙璧渺然粟大欄前飛到巨舶
可嘆百萬樓船三千羣弩輕向濤頭擲沈到神州無陸地何止東
南半壁誰賣盧龍潛收宛馬卮漏今難塞鑿空去也河源目斷槎
客

青玉案眉

綠絨新剪蛾兒薄又巧樣春山學蘸黛豪犀輕一掠送顰佯惱含
羞偷謔都向雙彎覺步搖斜颭金釵雀半面微呈初月却前夜
海棠春雨渥明朝粧鏡淺深約略不似纖纖昨

念奴嬌觀碁

河山千古□倉皇收過幾番殘局蝸角乾坤蠻觸門壁壘森嚴對

新川陳氏族譜

卷十 墓表

一百

蠹勝敗無常興亡轉瞬一手憑翻覆樵柯爛矣門前多少陵谷
今日西北園深東南劫重誰繼長沙哭一著主和謀已左再著何
堪收束君看長安紛紛擾擾朝暮更何速人生如寄一枰了了經
目

綺羅香 簷鐵

半空金鐵鳴秋字淒淒咽咽聲苦梧檻風來竹牕雨過併作一襟
涼語夢魂驚處聽欲斷還連悲恨相赴酒罷燈昏隔簾歷歷夜深
訴 羅幃又催暗雨正無眠倚枕起添殘炷古寺煙深叢祠月黑
別有淒音無數詩情何許在屋角樓頭飄零三五攬入秋聲待呼
燈寫取

梅花引 角

黃葉下青霜夜半規月墜駝樓瓦走城狐起墻烏淒淒咽咽風雨
迸菰蘆白頭老卒防秋苦吹火然篝相聚語望關山怯衣單捱盡
寒更無夢說刀環金甲裂寶刀折袖底冰花手中血弄悲聲起
爲營胡沙滾地劍戟暗磨鳴打圍十月交河道毳幕無煙生白草
馬蕭蕭旆搖搖借問將軍恐是霍嫖姚

六么令

冰

玉龍眠熟雲影滴還閣尖風裂霜成片擲把綠波約乳鴨氤氳暖
食欲下還收脚橫斜畧杓林寒渡斷時見行人踏䟽屨長憶鐵
衣不暖夜半銜枚鑿何人戲撥簷牙釵斷梁塵落一樣霜天雪地
取次分愁樂不消評泊和梅嚼也留置詩腸作芒角
醉花陰

新川陳氏族譜 卷十 雜著

一百零一

楊柳迷離煙雨繡天水雲藍透春近客心遙十斛煙螺寫入眉峰
皺歸期已落清明後想伊人應瘦何處却尋君雙槳桃杯迎取
黃昏後

滿江紅 玫瑰胭脂

倭髻雲梳勻粉面新粧未足臨寶鏡揉紅攪絳香排粉撲滴乳凝
酥花氣襲猩痕一點紅生玉正景陽春曉井華新金盆掬牙籤
抹朱沈盞鮫綃拭春盈幅出畫廊游蜂戲蝶尋芳暗逐淺笑迎風
羞靨媚半開銜雨歌唇簇最枕邊私語夜來香芙蓉幄

摸魚兒 莫葉

戰西風暮林如洗平蕪忽斷行跡寒煙衰草無人過多少蟬嘶蛩
唧誰第宅抹一片斜陽終古淒涼色暝痕漸積問何處江南村孤

水閣惓悵未歸客 涼飈入知有幽人暗泣蒼茫此意誰識漢宮
唐苑飄零盡何況杜陵韋陌看不得還憶否成陰芳薺粘天碧間
愁無極但雙屐尋烟孤筇弔月淚盡高樓笛

沁園春

析

破店雞號壞堞烏啼旅館夢醒漸疏星落落明河低白曉風槭槭
殘火搖青長夜何其嚴霜在手萬里關河無限情尋聲去雜清砧
畫角齊赴郵亭 年來潦倒曾經慣聽遍長安街畔鈴任傳舍羈
栖蟹蛩笑我抱關小試牛馬呼名過客光陰勞人身世付與殘更
垂淚聽沈吟久看栖鴉警曙白上窓櫺

意難忘

酒杯

玳瑁筵前泥蕭郎替飲纖手親安流露紅旖旎浣露白嬋娟銀燭

新川陳氏族譜

卷十 墓誌

一百零二

下絳唇邊此意最纏綿長伴他藏鈎暗送射覆偷傳 有人紅淚
輕彈正把向燈前子細詳看淺斟催脆管洗酌促繁絃飛絮院落
花天今夕是何年莫辜負盈盈翠袖瑟瑟珠鈿

賀新涼

間寫

牢落傷心久對清樽哀絃急管不堪回首韋杜鶯花長安月往事
濃如春酒正曲巷回燈時候扇影衣香無覓處暗塵侵流水車聲
走只此際最消受 沈郎今日腰圍瘦拍銅絃勞歌自唱拋殘紅
豆早燕新鶯隨處好只有風情非舊但悵望金臺衰柳踈地柔條
攀折盡問青青解憶春歸否風雨意夜來驟

蝶戀花

十載豐台花事好細馬春衫踏遍長安道白酒黃雞愁絕倒流光

暗送朱顏老 舊夢回頭眞草草
花月春江又打相思稿
雙槳晴波迎接早兒家門巷新來到

前調

漠漠層樓連棟起姊妹閒居舊署平
康里少日雪兒今老矣金釵滑溜知誰是
秋菊春蘭都秀美就裡人人雅蒜呼私字
拍遍闌干剛十二捲簾悄引檀郎至

前調

老去秋孃羞病齒珠冷香銷箏甲都慵理
燕子偷銜春色至沾泥墜絮重飛起
憔悴蕭郎今萬里金雁橫汾盼斷相思字
誰見平時歡喜意玲瓏月照傷心地

前調

新川陳氏族譜

卷十 墓著

一百零三

艷曲回簀誰解度一樹櫻桃飄泊春無主吹盡殘花飛盡絮東君
不管閒愁苦莫倚新聲翻舊譜紅豆拋殘沒箇相思處醉裏銷
魂知幾許闌風偷送陽台雨

前調

羅帳盈盈私語夜重上樊樓嬾說平時話燕子不歸春事謝爲花
擔苦兼擔怕憔悴看花還自詫沈瘦潘愁甚矣吾衰也一曲琵琶
和淚寫坐中知有傷心者

沁園春

黨人碑

一片殘碑地老天荒三百九人是熙豐羽翼阿諛新法崇甯紹述
排擊忠純定武終遷高平不祿早識官家調戲深禍胎結誰明年
社飯思念宣仁當時草制堪驚把名教綱常一旦傾嘆朝綱紊